

醫方類聚卷之一百七十

癰疽門一

論

癰疽門二

論

癰疽門三

論

金匱方

瘡癰腸癰病脉證并治



目錄

蕙苴附子敗醬散 大黃牡丹湯

千金方

肺癰

桔梗湯 瀉肺湯 黃昏湯

癰疽

五香連翹湯 黃耆竹葉湯 八味黃耆

散 王不留行散 內補散 排膿內塞

散 猪蹄湯 麝香膏 食惡肉膏 食

惡肉散 生肉膏 蛇啣生肉膏 五香

湯 漏蘆湯 丹參膏 小竹瀝湯 白

薇散 蒺藜散 藜蘆膏 瞿麥散 蕙

苴人散 黃耆茯苓湯 內消散 猬皮

散 梔子湯 五利湯 乾地黄圓 地

黃煎 枸杞煎 烏麻膏 松脂膏 青

龍五生膏 滅癥膏 練石散 禁腫法

麻子小豆湯

癸昔

內補散 李根皮散 大內塞排膿散

瘡疽

腸癰

腸癰湯

千金月令

木耳生膏 鹿角膏 百一膏 犀角丸

聖惠方

辯癰疽宜灸不宜灸法

治癰諸方

犀角散 葛根散 解毒散 玄參散

黃耆散 生地黃散 內消散 野葛散

犀角丸

治癰腫貼燻諸方

寒水石散 重臺散 紫葛散 大黃散

玄參散 大黃散 柳木耳餅 野葛散

清涼膏 清冰膏 大黃散

治石癰諸方

沉香散 犀角散 大黃散 占斯散

黃連散 雄黃散

治肺癰諸方

黃耆散 漢防己散 竹茹散 補肺排

膿散 桔梗丸

治腸癰諸方

當歸煎 占斯散 牡丹散 甜瓜子散

木通散 赤茯苓散

癰疽門 四

聖惠方 二

治癰有膿諸方

托裏排膿散 占斯散 蘧麥散 雄黃

散 竜骨散 當歸散 大黃散 黃耆

散 騏驎竭散

治癰煩渴諸方

玄參散 葛根散 連翹散 犀角散

黃耆散 葛根散

黃耆散 治癰虛熱諸方

熟地黄散 黃耆散 人參散 沉香散

治久癰諸方

黃耆散 麥門冬散 占斯散 煞蟲散

治癰內虛諸方

黃耆散 人參散 熟地黃散 內補散

防風散 排膿生肌散 內補五香丸

補虛肉蓯蓉散

治癰潰後諸方

黃耆散 白斂湯 梔子散 黃連散

白芷散

治熱毒癰諸方

大黃散 漏蘆散 生乾地黃丸 消石散 乳香膏 胡粉散

治癰大小便不通諸方

木通散 大黃散 蘧麥散 檳榔丸

大麻人丸

治癰疽淋洗諸方

木通湯 當歸湯 猪蹄湯 黃連湯

苦參湯 猪蹄湯

治諸瘡口不合諸方

騏驎竭散 神驗散 降真香散

治諸瘡生惡肉諸方

藜蘆散 柳膏

治緩疽諸方

木香散 生乾地黃散 排膿散 莽草

散 木香散 藜蘆散 黃蘗膏 飛黃

散 飛黃散

治療疽諸方

射干散 漏蘆散 枳實散 丹砂膏

麝香摩膏 甘草膏 甘草湯

治附骨疽諸方

皂莢膏

治發背諸方

犀角散 連翹散 玄參散 前胡散

麥門冬散 升麻散 犀角散 漏蘆散

黃耆散 木香散 黃芩散 沉香散

黃耆散 犀角丸

治發背貼爛諸方

寒水石膏 麥飯石膏 柳木耳餅 黃
 浦餅 大黃散 雄黃散 拔毒散 搗
 聖熊膽丸 解毒生肌散 石灰散 清
 涼膏 蛇蛻皮散

治發背寒熱諸方

漏蘆散 人參散 木通散 枳實散

麥門冬散 黃耆散

治發背熱渴諸方

麥門冬散 犀角散 生乾地黃散 解

毒散 黃耆飲子 升麻散 蘆根散

治發背潰後諸方

玄參散 露蜂房散 內補黃耆散 連
 翹散 漏蘆散 黃耆散 貝齒散 托
 裏生肌散

治發背大小便不通諸方

木通散 蘧麥散 芒消散 葵子散
 玄參丸 大麻人丸

治發腦諸方

犀角散 葛根散 沉香散 黃耆散
大黃丸 羊桃根散 黃連餅 朱砂膏
止痛散

治發背淋搨諸方

枳殼湯 黃連湯 升麻湯 地黃湯
竹瀝湯 黃芩湯

四時纂要

犀角丸

和劑局方

小犀角圓 化毒排膿內補十宣散 千
金漏蘆湯 神效托裏散 紅玉散 萬
金膏 檳榔散 神仙太一膏 復元通
氣散 排膿托裏散

人全本草

癰疽門五

三因方

癰疽證治 遠志酒 大黃湯 獨聖湯 通聖雙行

湯 萬金湯 忍冬酒 轉毒散 靈寶

膏 托裏散 白玉散 檳連散 替針

丸 生肌散 善應膏 外食散

癰疽灸法

附骨疽證治

蟾蜍膏 黑鯽膏 赤朮丸

衛生十全方

治癰疽腫毒

外用胎藥 收暈膏藥 生肌藥

神巧萬全方

治肺癰方

青龍湯

是齋醫方

癰疽瘡腫

拔毒黃耆散 水調膏 消毒散 神仙

靈寶膏 水調膏 三色膏 歸命膏

水調膏

軟癰

□□

治發背方

簡易方

癰疽瘡癤

九珍散 內托散 內消托裏散 越桃

散 獨活散 白梅散 柞木湯 貼斂

藥 淨肌散

直指方

癰疽證治

灸法 拔毒散 蠲毒散 宜毒一醉膏

穿山甲散 皂棘散 芎歸托裏散 仙

靈散 妙勝散 消腫散 退毒散 川

烏散 夜明砂膏 乳豆膏 星烏散

欽毒散 退腫散 收毒外消膏 乳香

膏 保安妙貼散 蜀葵膏 皂角膏

四虎散 沉水膏 爐峯散 麝香散

湧泉膏 護肌膏 神功妙貼散 內消

散 大全內消散 小車螯散 皂刺散

蠟礬圓 排膿內消散 排膿內補散

玉香散 加味不換金正氣散 貳香散

黃耆托裏散 當歸酒 消毒散 雙麥

散 萬病解毒元 紅內消散 清心散

加味八味圓 山藥圓 特異萬靈散

北艾湯 桑皮散 消蝕散 茶蠟圓

斂瘡散 生肌散 太乙膏 神應膏

神異膏 遇仙膏 神仙截法 龜形灸

法 去水膏

癰疽證治

蠟礬圓 立應散

腸癰證治

牡丹散 木通散 四聖散 薏苡湯

排膿內補散 雲母膏 蠟礬圓 燒棗

散

外科精要一

療癰疽發背首先用藥及點灸要訣

癰疽備論

騎竹馬灸法

論鬲蒜灸得效須先知度使預前有備背疽根脚闊大未有尖頂尋灸穴法

論蒜餅施用分其輕重

灸法論要引證辨惑論

史氏序

灼艾常識痛痒二證論

腦疽灸法

初發癰疽既灸之後首宜服藥以護

藏腑

內托散 五香連翹湯 沉麝湯 五香

湯去大黃加人參黃耆犀角湯 漏蘆湯

柞木飲子 阿膠飲子 牛膠飲 神

仙黃礬元 國老膏 忍冬酒 紅內消

馬益卿先生癰疽序論

癰疽敘論

讀素問良用備要論

讀千金良用備要論

續家傳別脈辨證論

癰疽證治

治癰疽用藥大綱

論嘔逆證

論癰疽其源

華佗論癰瘡

論背疽其源其五

癰疽發背分表裏證論

察疽發有內外之別

辨癰疽發背陰陽淺深緩急治法

論善惡形證

論生死形證

形證逆順務在先明論

審內證用藥附

發背得體治貴在早論

瘡出未辨津潤墨圍論

看驗赤色重灸防蔓論

論瘡口冷滯難合

治背疽糝藥方 事證附

用藥溫涼須防秘泄論

視生白痂切護勿觸論

體察病人勤心愛護論

古人用香調治有理論

論醫者貪利更湯前方

神仙追毒圓 轉毒散 大黃湯 神仙

截法 秘傳連翹湯 五香連翹湯 五

香連翹湯 漏蘆湯 千金漏蘆湯 六

味車螯散 止痛靈寶散 乳香萬金散

神秘陷脉散 神功麻仁圓 清心內固

金粉散 清膈竹葉湯 猪蹄湯 猪蹄

湯 神硝散 聖效散

癰疽門 六

外科精要

論麥飯石膏治效遼絕

麥飯石膏

論神異膏功用

神異膏 血竭膏 鹿角膏 壓熱神白膏 牡蠣地黃膏 大川烏丸 二烏丸 疽口緊小而硬論

蜈蚣散

論疽疾變證咽喉口舌生瘡甚者生

紅墨困

琥珀犀角膏 犀角散

詳審候熟潰戒用針刀說

論傷割證

內托黃耆圓

論癰疽發寒熱多汗誤用藥

不換金正氣散

論因喫毒食發熱

梔子黃芩湯

瘡作渴甚用精調補論

論疽疾向安忽然發渴

渴疾本原事證附

加減八味圓 忍冬圓 黃耆六乙湯

論口乾與渴證不同

桑枝藥 五味子湯

論發背有熱未有不因虛而得之

疸疾將安當補氣血

論服補藥捷經

加味十全湯

人參內補散

神効托裏

散 排濃內補十宣散

調節飲食兼平胃氣論

參苓順氣散 茯苓胃散

瘡漏脉例

陷脉散 桂附圓

癰疽雜方

神效瓜樓散 立效散 生肌散 獨勝

散 梅花飲子 替針元 綠雲散 宜

毒散 塞裏散 小五香湯 鍊石散

清涼膏 碧油膏 神驗酒煎散

治癰癤小方三道

升麻湯

類聚百七十一
十五

陳日華點烙癰癤法

癰疽經效雜方

朱氏集驗方

癰疽

五香連翹湯 漏蘆湯 神仙解毒萬病

元

治癰疽發背三法

內托散 豆粉膏 神効膏 一醉散

嚴氏濟生方

癰疽

狗寶圓 烏竜膏 解毒散 乳香膏

追毒丹 生肌散 紅膏藥

肺癰

桔梗湯

修月魯般經後錄

歸芪湯

康垣試効方

瘡瘍治驗

黃連消毒散 內托黃耆酒煎湯 白芷
升麻湯 內托黃耆柴胡湯 內托羌活
湯

御藥院方

瘡腫

善應膏 寸金丸 內托散

得効方

秘傳十方

前鋒正將 引兵先鋒 四面楚歌 水

師晶明 替針丁香圓 加味十奇散

護壁都尉 生肉神異膏 止痛拔毒膏

黃丹散

涌治

車螯散 單煮大黃湯 五香散 平補

散 神白膏 善應膏 玄武膏 金絲

膏 貼膏法 追毒餅 內追毒丹 乾

葛飲 蘇子降氣湯 縮砂香附湯 人

參敗毒散 參苓白朮散 八味圓 嘉

禾散 乳香圓 黑附圓

心癰

涼血飲 內托散

腎癰

八味圓 加味十奇散

肺癰

桔梗湯 葶蘆散 補肺散 理肺膏

加味敗毒散 內護排膿散 五香白朮

散 雲母膏 加味十奇膏

腸癰

蠟礬圓

澹軒方

癰疽

癰疽外傳

發背

取膿已潰

背癰已潰

腸癰

類聚百一

肺癰

軟癰

發背

肘後方

癰疽

黃耆膏

胡粉散

澹寮方

癰疽

五香連翹散

加減入味圓

黃耆六乙

湯瀆潰消散

衛生寶鑑

代煎瘡腫

水方

內消升麻湯

復元通氣散

竹葉黃芪

湯古金銀花散

藥散

黃耆湯

癰疽門七

聖濟總錄

彭顯腸癰

水方

煨干散

水門

大黃湯

牡丹湯

犀角丸

梅人湯

胃脘癰

連翹升麻湯 犀角湯 射干湯 麥門

冬湯 芍藥湯

緩疽

木占斯散 芍藥湯 黃耆湯 蛇牀散

石疽

升麻湯 地黃煎 木香散

附骨疽

漏蘆湯 連翹湯 敗醬湯 亂髮湯

天靈蓋散 天南星散 麝香散 內消

小豆散 騏驎竭散 烏雞散 秦芫散

牛膠散 天靈蓋散

風疽

防風湯 海桐皮浸酒 大豆酒 麻黃

湯 秦芫丸 黃耆丸 大豆汁

癰疽

犀角丸 消毒散 皂莢散

癰疽潰後蝕惡肉

類聚百種
三十一

麝香膏 藜蘆散 大黃蝕肉膏 白礬散 硫黃散 生地黄膏 羊髓膏 莽草膏 芍藥膏

癰疽大小便不通

木香丸 玄參丸 朴消丸 小麥湯

諸癰疽托裏法

黃耆湯 芎藭散 當歸湯 木香散
內托散 防風散 黃耆茯苓湯 托裏
六倍散 內寒散 補虛助氣飲 排膿

連翹飲

癰疽等瘡內消法

內消散 內消化毒犀角丸 內消散
漏蘆煮散 花蘘石散 乳香散 枳殼
丸 防風散 升麻湯 木香塔 牽牛
子散

發腦

乳石散

發背

連翹散 桔梗散 射干湯 犀角湯
 麥門冬湯 人參當歸散 金鍼散 消
 毒散 龍骨散 狼毒膏 藍眼膏 救
 生膏 大黃膏 神金膏 金線膏 化
 毒散 牛齒膏 麝香散 五倍子散
 金花散 玉靈脂散 黃石散 龍葵根
 散 金粉膏 薜荔散 托裏湯 一醉
 膏 紫雪膏 大黃散 皂莢膏 乳香
 膏 犀角丸 犀角丸 虎牙散 還魂

九 百草霜背

癰疽發背發渴

托裏黃耆湯 地黃湯 黃耆湯 枸杞
 湯 溫脾平胃陳粟湯 凝水石煎 竹
 葉湯 竹葉黃耆湯 麥門冬湯
 癰疽發背作寒熱
 解毒地黃丸 羊髓膏 葛根湯 升麻
 湯 犀角散 人參散 黃蘗散 車螯
 酒 苦茄散 茈胡煎

癸背潰後

內補黃耆湯 白石脂湯 大黃湯 當

歸湯 豬蹄湯 菴蓉膏 連翹飲 黑

錫煎

居家必用

十七味流氣飲子

必用全書

雞清散

拔粹方

瀉之則脹已汗之則瘡已

托裏榮衛湯 沉香海金沙丸 續隨子

丸 海金散

瘡瘍證

如聖散 救苦黃耆散 萬應針頭丸

瑞竹堂方

瘡腫

內托千金散 搜膿散 生肌散 青露

散 吸筒 二烏散 摻藥 黃連獨活

類聚百病
三十一

散 十全內托散 善應膏 透膿散

神效回生膏 膏藥 膏注

王氏集驗方

癰腫

醫方大成

癰疽

黃耆建中湯 乳香散

南北經驗方

癰疽

懸蔓散

袖珍方

癰疽

神效奪命丹 消膿飲 膏藥 奪命散

當歸連翹飲

永類鈴方

肺癰

葶藶湯 補肺散 四黃丸

癰疽

棗膏元 葶藶散

懸癰

瘡科通玄論

解毒圓 乳香黃耆散 通開散 麝香

蟾酥圓 乳香拔毒散

癰疽門 八

經驗秘方

瘡腫

翠玉膏 追毒散 千金內托散 復煎

散

經驗良方

發背癰疽

托裏散 犀角消毒散 寒水膏 保安

散 紅藥子 膏藥

醫林方

瘡腫

內托十全散 靈寶膏

煙霞聖效方

瘡腫

新老丹 寸金丸 乳香定痛散 萬應膏

施圓效端方

癰疽瘡瘍

藤黃煮酒散 五黃膏 沉水膏 藤花散

吳氏集驗方

癰癤

消腫散

神效名方

瘡瘍癰腫

千金托裏散 瀉肺湯

事林廣記

新效方

萬應至寶膏

琥珀膏 長肉膏 碧玉膏

白玉膏

外科集驗方

服藥通變方

榮衛返魂湯 冲和仙膏 回陽玉竜膏
洪寶丹

合用諸方

三石散 瓜蒌散 追風元 復煎散
神鋒散 烏金散 薰洗方 麝香輕粉
散 神異四七膏 住痛一黑散 神效
復元 通氣散 內補散 內補散 沉

香散 不止麒麟散 化痰丹 牛黃散
漏蘆湯

急救仙方

秘傳外科方

化毒消腫托裏散 內托千金散 十六
味流氣飲 內塞散 解毒生肌定痛散
吸毒竹筒 隔紙膏 太一神應膏 破
結散 南星膏 內固清心散 苦參圓
秘傳隔紙膏

外科精義

內托散 木香湯腫湯 升麻湯腫湯
 湯腫升麻湯 豬蹄湯 應痛丸 十香
 膏 犀角膏 白龍膏 消毒膏 摩風
 膏

劉守真瘡論

沒藥膏 烏金散 萬靈丸

癰疽門 九

玉機微義

瘡瘍

黃連消毒散 內托姜活湯 白芷升麻
 湯 內托黃耆柴胡湯 內托黃耆酒煎
 湯 當歸拈痛湯 內托升麻湯 散腫
 潰堅湯 升麻調經湯 連翹散堅湯
 消腫湯 芫胡通經湯 升麻牛旁子散
 中和湯 升麻和氣飲 當歸飲子 金
 鍼散 托裏十補散 十六味流氣飲
 神効烏金散 奪命丹 蟾酥丸 托裏

榮衛湯 托裏溫中湯 內疎黃連湯
 射干湯 托裏散 破棺丹 瀉心湯
 瑞効丸 萬靈奪命丹 飛龍奪命丹
 五香連翹湯 千金漏蘆湯 防風通聖
 散 內托復煎散 五香湯 托裏湯
 定疼托裏散 乳香止痛散 黃芪人參
 湯 竹葉黃芪湯 托裏黃芪湯 聖愈
 湯 內補黃芪湯 透膿散 青金錠子
 翠霞錠子 信効錠子 寸金錠子 紅

玉錠子 提丁錠子 翠青錠子 搜膿
 錠子 守効散 時効針頭散 神聖換
 肌散 雄黃散 水澄膏 金黃散 乳
 香散 輕粉散 奇功散 立應散 祛
 風散 走馬散 乳香善應膏 至寶玉
 連膏 生肌散 紅玉散 完肌散
 臞仙活人心
 玄靈散 天漿
 運化玄樞

壽域神方

癰疽治法

瘡癤部

衛生易簡方

癰疽

生肌散

瘡癤

金匱鈎玄

肺癰

御醫撮要

腸癰

內針牛黃丸

萬靈膏

騏驎膏

備預白要方

癰背癰疽瘡方

生肌膏

腸癰方

癰疽瘡方

附骨疽方

癰疽各症治法

簡奇方

餘藥無名有散見本方

禁忌

鍼灸

導引

癰疽門一

巢氏病源

癰疽病諸候

癰候

癰者由六腑不和所生也六腑主表氣行經絡而浮若喜怒不測飲食不節陰陽不調則六腑不和榮衛虛者腠理則開寒客於經絡之間經絡為寒所折則榮衛稽留於脉榮者血也衛者氣也榮血得寒則澀而不行衛氣從之與寒相搏亦雍遏不通氣者陽也陽氣

蘊積則生於熱寒熱不散故聚積成癰腑氣
浮行主表故癰浮淺皮薄以澤久則熱勝於
寒熱氣蘊積傷肉而敗肌故血肉腐壞化而
爲膿其患在表浮淺則骨髓不焦枯臟腑不
傷敗故可治而愈也又少苦消渴年四十已
外多發癰疽所以然者體虛熱而榮衛否澀
故也有鬲痰而渴者年盛必作黃疽此由脾
胃虛熱故也年衰亦發癰疼臟腑虛熱血氣
否澀故也又腫一寸至二寸癰也二寸至五

寸癰也五寸至一尺癰疽也一尺至三尺者
名曰竟體癰癰成九竅皆出諸氣憤鬱不遂
志欲者血氣畜積多發此疾診其寸口脉外
結者癰腫腎脉澹甚爲大癰脉滑而數滑卽
爲實數卽爲熱滑卽爲榮數卽爲衛榮衛相
逢則結爲癰熱之所過卽爲膿也脉弱而數
者此爲戰寒必發癰腫脉浮而數身體無熱
其形默默者胃中微躁不知痛所在此主當
發癰腫脉來細而沉時直者身有癰腫若腹

中有伏梁脉肺肝俱到卽發癰疽四支沉重
肺脉多卽死凡癰疽脉洪麓難治脉微澀者
易愈諸浮數之脉應當發熱而反洗浙惡寒
若痛處常有癰也此或附骨有膿也脉弦洪
相薄外內急熱故欲發癰疽凡發癰腫高者
疹源淺腫下者疹源深大熱者易治小熱者
難治初便大痛傷肌晚乃大痛傷骨諸癰發
於節者不可治也發於陽者百日死發於陰
者四十日死也尻太陽脉有腫癰在足心少

陽脉八日死發膿血八日死頰陽明脉有
腫癰在尻六日死發膿血六日死股太陽
右腫癰在足太陰七十日死發膿血百日死
轉太陽太陰脉有腫癰在脛八日死發膿血
四百日死足少陽脉有腫癰在脇八日死發
膿血六百日死手陽明脉有腫癰在掖淵一
歲死發膿血二歲死發腫牢如石走皮中無
根癰瀝也久久不消因得他熱乘之時有發
者亦爲癰也又手心主之脉氣發有腫癰在

股脛六日死發膿血六十日死又有癰在腓腸中九日死也

附骨癰腫候

附骨癰亦由體癰熱而當風取涼風冷入於肌肉與熱氣相搏伏結近骨成癰其狀無頭但腫痛而闊其皮薄澤謂之附骨癰也

發癰欬嗽候

夫肺主氣候於皮毛氣虛腠理受寒寒客經絡則血否澀熱氣乘之則結成癰也肺氣虛

寒寒復乘肺成於寒則成嗽嗽故發癰而嗽也

癰下利候

此由寒氣客於經絡折於氣血壅結不通結成癰腫發癰而利者由內熱所引飲取冷太過冷入腸胃故令下利也下利不止則變嘔噦所以然者脾與胃合俱象土脾候身之肌肉胃為水穀之海脾虛肌肉受邪胃虛則變下利下利不止則變嘔噦也

癰腫久愈汁不絕候

此由寒客於經絡則血澀不通與寒相搏則結成癰腫熱氣乘之則血化爲膿膿潰之後熱腫乃散餘寒不盡肌肉未生故有惡液澳汁清而色黃不絕也

癰瘡後重發候

此由寒氣客於經絡血澀不通壅結絡癰凡癰膿潰之後須著排膿藥令熱毒膿血俱散盡若有惡肉亦傳藥食之則好肉得生真氣

得復若膿而未盡猶挾餘毒瘡口便合當時雖瘡而後終更發

疽候

疽者五臟不調所生也五臟主裏氣行經絡而沉若喜怒不測飲食不節陰陽不知則五藏不調榮衛虛者腠理則開寒客經絡之間經絡爲寒所折則榮衛稽留於脉榮者血也衛者氣也榮血得寒則澀而不行衛氣從之與寒相搏亦壅過不通氣者陽也陽氣蘊積

則生於熱寒熱不散故積聚成疽臟氣沉行
 主重故疽腫深厚其上皮強如牛領之皮久
 則熱勝於寒熱氣淳盛蘊結傷肉也血肉腐
 壞化而為膿乃至傷骨爛筋不可治而死也
 又少苦消渴年至四十已上多發癰疽所以
 然者體虛熱而榮衛否澀故也又有鬲痰而
 渴者年盛必作黃疽聖惠方因痰而渴此由
 者年盛必發疽
 脾胃虛熱故也年衰亦發癰疽臟虛血氣否
 澀故也又腫壹寸至二寸癰也二寸至五寸

癰也五寸至壹尺癰疽也壹尺至三尺者曰
 曰竟體癰疽成九竅皆而聖惠方竟體疽諸
 膿成九孔皆出
 氣憤鬱不遂志欲者血氣畜積多發此疾診
 其脉絃洪相薄外急內熱欲發癰疽脉來細
 而沉時直者身有癰腫若腹中有伏梁脉肺
 肝俱到即發癰疽四支沉重肺脉多即死凡
 癰疽脉洪羸難治脉微澀者易愈諸浮數之
 脉應當發熱而反洗浙惡寒若痛處常有癰
 也此或附骨有膿也身有五部伏菟一腓二

背三五藏之俞四項五五部有疽者死又疽
發於嗌中名曰猛疽猛疽不治化爲膿膿不
瀉塞咽半日死其化作膿瀉之則已發於頸
名曰掖疽其腫大以赤黑不急治則熱氣下
入掖淵前傷任脉內熏肝肺熏肝肺十餘日
而死傷陽氣火發消澀留項名曰腦錄其色
不鑠項痛而刺以鍼煩心者死不可治發於
膊及臑名曰疵疽其狀赤黑急治之此令人
汗出至足不害五藏癰發四五日燉爛之也

發於掖下赤鞞者名曰米疽也鞞而不潰者
爲馬刀也發於背名曰井疽也其狀如大豆
日三四起不早治下入腹中不治半日死發
於膺名曰甘疽其狀如穀實瓠瓜常苦寒熱
急治之去其寒熱不治十歲死死後出膿發
於股陽名曰兌疽其狀不甚變而膿附骨不
急治四十日死發於脅名曰改訾改訾者女
子之病也又云癰發女子陰傍名曰改訾疽
久不治其中生息肉如赤小豆脉黍也發於

屍名曰兌疽其狀赤靨大急治之不治四十
日死若發兌尾名曰兌疽若不急治便通洞
壹身十日死發於股陰名曰赤弛不急治之
六日死在兩股內者不治六七日當死發於
膝名曰疵疽其狀大癰色不變寒熱而穿物
不石之則死須其色黑柔乃石之生也發於
脛名曰兔齧疽其狀赤至骨急治之不治害
人也發於踝名曰走緩色不變數灸而止其
寒熱不死發於足上下名曰四淫不急治之

百日色發於足傍名曰癘疽其狀不大初小
指發急治之其狀黑者不可消白日死也發
於足趾名曰兌疽其狀赤黑死不赤黑不死
治之不衰急斬去之活也不斬者死矣赤
疽發額不瀉十餘日死其五日可剝也其膿
赤多血死未有膿可治人年二十五三十一
六十九十五百神皆在額不可見血見血者
死赤疽發身腫牢核而身熱不可以坐不
可以行不可以屈伸成膿刺之即已赤疽

發背可治赤疽發髀樞六月內可治不治出
 歲死 赤疽發陰股牢者死濡者可治 赤
 疽發掌中可治赤疽發脛死不可治 白疽
 發髀若肘後痒目痛傷精及身熱多汗五六
 處死 黑 發腫居背大骨上八日可刺也
 過時不刺為骨疽骨疽膿出不可止者出碎
 骨六十日死 黑疽發掖淵死 黑疽發耳
 中如米此名文疽死 黑疽發髀死 黑疽
 發缺盆中名曰伏癰死 黑疽發肘上下不

死可治 黑疽發腓腸死 黑疽發膝臏牢
 牢死濡者可治 黑疽發跌上牢者死 倉
 疽發身痒後痛此故傷寒氣入臟篤發為倉
 疽九日可治九十日死 釘疽發兩髀此起
 有所逐惡血結留內外榮衛不通發為釘疽
 三日身腫痛甚口噤如瘞狀十一日可刺不
 治二十日死疽起於肉上如丁蓋下有脚至
 骨名釘疽也 鋒疽發背起心俞若髀髖二
 十日不瀉死其八日可刺也其色赤黑膿見

青者死不治人年六十八二十四四十五十六六十七六十二九十八神皆在膊不可見血見血必死 陰疽發髀若陰股如發腰強內不能自止數飲不能多五日牢痛如此不治三歲死刺疽發起肺俞若肝俞不瀉一十日死其八日可刺也發而赤其上肉如椒子者死不可治人年十九二十五三十三四十九五十七六十七七十三八十一九十七神皆在背不可見血見血者死脉疽發環項始病

身隨而熱不欲動惛惛或不能食此有所大畏恐怖而不精上氣嗽其發引耳不可以腫二十日可刺如不刺八十日死鼈疽發背起胃俞若腎俞二十日不瀉死九日可刺其上赤下黑若青黑者死發血膿者不死 首疽發背發熱八十日大熱汗頭引身盡如嗽身熱同同如沸者皮澤頗腫處淺刺之不刺入腹中二十日死 俠榮疽發脅起若兩肘頭二十五日不瀉死其九日可刺發赤白間其

膿多白而無赤可治也人年壹十六二十六
三十二四十八五十八六十四八十九十六
神皆在脅不可見血見血者死 勇疽發股
起太陰若伏兔二十五日不瀉死其十日可
刺勇疽發清膿赤黑死白者尚可治人年十
壹十五二十三十一壹三十二四十六五十九
六十三七十五九十壹神皆在尻尾不可見
血見血者死 標叔疽熱同同耳聾後六十
日腫如腫水狀如此可刺之但出水後乃有

血血出卽除也人年五十七六十五七十三
八十壹九十七神皆在背不可見血見血者
死 癆疽發足趺若足下三十日不瀉死其
十二日可刺癆疽發赤白膿而不太多其上
痒赤黑死不可治人年十三二十九三十五
六十壹七十三九十三神皆在足不可見血
見血者死 衝疽發在小腹痛而戰寒熱胃
五日悒悒六日而變可刺之五十日死敦敦
疽發兩指頭若五指頭十八日而瀉死其四

日可刺其發而黑癰不甚赤過節可治也
疥疽發掖下共臂兩掌中振寒熱而盪乾者
飲多卽嘔煩心悒悒六卒疹者如此可汗不
汗者死 筋疽發背俠脊兩邊大筋其色蒼
八日可刺也 陳皀疽發臂三四日痛不可
動五十日身熱而赤六十日可刺之如刺之
肺無血三四日病已蚤疽發乎足五指頭起
節色不變十日之內可刺也過時不刺後爲
食癰在掖三歲死

疽潰後候

此由寒氣客於經絡折於氣血血澀不通乃
成疽發疽潰之後有逆有順其眼白睛青黑
而眼小者一逆也內藥而嘔者二逆也傷痛
渴甚者三逆也髀項中不便者四逆也音嘶
色脫者五逆也除此者並爲順矣此五種皆
死候凡發癰疽則熱流入五臟焦燥渴而引
飲兼多取冷則腸胃受冷而變下利利則腸
胃俱虛而冷搏胃氣氣逆則變嘔逆氣不通

遇冷折之則噦也

燹疽候

燹疽之狀肉生小黧點小者如粟豆大者如
柝李或赤或黑乍青乍白有實核燥痛應心
或著身體其著手指者似代指人不別者呼
爲代指不急治毒逐脉上入臟則殺人南方
人得此疾皆截去指恐其毒上攻臟故也
又云十指端忽策策痛入心不可忍向明望
之晃晃黃赤或黯黯青黑是燹疽而截後節

十有一異 又云風疹痛不可忍者燹疽發
五臟俞節解相應通洞燹疽也諸是燹疽皆
死又齒間臭熱血出不止燹疽也七日死治
所不瘥以灰掩覆其血不爾著人 又云諸
是燹疽皆死唯痛取利十有晷活耳此皆毒
氣客於經絡氣血否澀毒變所生也

疽發口齒候

寒氣客於經絡血澀不通結而成疽五臟之
氣皆出於口十二經脉有入齒者有連舌本

者榮衛之氣無處不行虛則受邪挾毒乘虛而入脉故也其發口齒者多血出不可禁皆死

行疽候

行疽候者發瘡小者如豆大者如錢往來匝身及生面上謂之行疽此亦寒熱客於腠理與血氣相搏所生也

風疽候

腫起流之血脉而攣曲疾痛所以發瘡歷年

謂之風疽此由風濕之氣客於經絡與氣相搏所成也

石疽候

此由寒氣客於經絡與血氣相搏血澁結而成疽也其寒毒偏多則氣結聚而皮厚狀如瘰癧鞣如石故謂之石疽也

禽疽候

禽疽發如胗者數十處其得四日腫合半核痛其狀若變十日可刺其初發身戰寒齒如

禁欲坐如是者十五日死也此是寒濕之氣客於肌肉所生也

杼疽候

杼疽者發項及兩耳下不瀉十六日死其六日可刺其色黑見膿如癰者死不可治人年三十十九二十三三十五三十九五拾一五拾五六拾壹八拾七九十九神皆在兩耳下不可見血見血者死此是寒濕之氣客於肌肉折於血氣之所生也

水疽候

此由寒濕之氣客於皮膚搏於津液使血氣否澀濕氣偏多則發水疽其腫狀如物裏水多發於手足此是隨肌膚虛處而發也亦有發身體數處而壯熱遂至死

肘疽候

肘疽是疽發於肘謂之肘疽凡諸疽發節解並皆斷筋節而發肘者尤為重也此亦是寒濕之氣客於肌肉折於血氣所生也

附骨疽候

附骨疽者由當風入骨解風與熱相搏復遇
冷濕或秋夏露臥爲冷所折風熱伏結壅遏
附骨成疽喜著大節解間大夫及產婦女人
喜著鼠膜髀頭胫膝間嬰孫嫩兒亦著髀肘
背脊也其大人老人著急者則先覺痛不得
轉動按之應骨痛經日便覺皮肉生急洪洪
如肥狀則是也其小兒不知字名抱之纔近
其便略喚則是支節有痛處便是其候也大

人老人著緩者則先覺如肥洪洪耳經日便
覺痺痛不隨也其小兒則覺四支偏有不動
不動搖者如不隨狀看支節解中則有肥洪
洪處其名不知是隨骨疽乃至合身成膿不
潰至死皆覺身體變青黯也其大人老人皆
不悟是疽乃至於死也亦有不別是附骨疽
呼爲急賊風其緩者謂風腫而已

久疽候

此由寒氣客於經絡折於氣血血澁不通乃

結成疽凡疽發諸節及腑臟之俞則卒急也其久疽者發於身體閑處故經久積年致膿汁不盡則瘡内生蟲而變成癩也

疽虛熱候

此由寒搏於熱結壅血澁乃成疽疽膿雖潰瘳之後餘熱未盡而血已虛其人噲噲苦熱惛惛虛乏故謂虛熱也

疽大小便不通候

此由寒氣客於經絡寒搏於血血澁不通壅

結成疽腑臟熱不泄熱入大小便故大小便不通也

癰發背候

夫癰發於背者多發於諸腑俞也六腑不和則生癰諸腑俞皆在背其血氣經絡於身腑氣不和腠理虛者經絡為寒所客寒折於血則壅不通故結成癰發其俞也熱氣加於血則肉血敗化故為膿癰初結之狀腫而皮薄以澤又云背上忽有赤腫而頭白搖根入應

胃裏動是癰也又發背若熱手不可得近者
內先服王不留行散外摩背膏大黃貼若在
背生破無苦良不得膿以食肉膏散著竈頭
內癰口中人體熱氣歇服木散五日後癰欲
瘥者服排膿內塞散

癰發背潰後候

此由寒氣客於經絡折於血氣血澁不通乃
結成癰發背癰膿出之後眼白睛青黑而眼
小壹逆也內藥而嘔二逆也傷通渴甚三逆

也膊項中不仁四逆也音嘶色脫五逆也此
等五逆者皆不可治也或熱或渴非倉卒而
急可得漸治之也凡發背則熱氣流入腑臟
膿潰之後血氣則虛腑臟燥熱渴而引飲飲
冷入腸胃則變下利胃虛氣逆則變嘔也嘔
逆若遇冷折之氣不通則噦也其瘡若膿汁
不盡而瘡口早合雖瘥更發惡汁連滯則變
成癭也

癰發背後下利候

此是寒氣客於經絡折於氣血而澁不通乃
結成癰癰發後利者由內熱而引飲取冷太
過冷入腸胃故令下利不止則變嘔所以然
者脾與胃合俱象土脾候身之肌肉胃爲水
穀之海脾虛則肌肉受邪胃虛則變下利下
利不止氣逆故變嘔嘔而遇冷折氣逆不通
則噦也

癰發背渴候

此由寒氣客於經絡折於氣血而澁不通乃

結成癰也癰發背五臟熱盛虛燥故渴而冷
飲入腸胃則變利也

癰發背兼嗽候

肺主氣候於皮毛氣虛腠理受寒客於經則
血否澁熱氣乘之則成癰也肺氣虛其寒復
乘肺肺感於寒則成咳嗽故發癰而兼嗽也
此由寒氣客於經絡折於血而澁不通乃結
成癰發背膿潰之後外有風氣搏之變生而

惡肉壅塞瘡者則毒氣內侵須傳藥以食之
疽發背候

疽發背者多發於諸臟俞也五臟不調則發
疽五臟俞皆在背其血氣經絡於身腑臟不
調腠理虛者經脈爲寒所客寒折於血血壅
不通故乃結成疽其發臟俞也熱氣施於血
則肉而敗腐爲膿也疽初結之狀皮強如牛
領之皮是也疽重於癰發者多死又發起肺
俞若肺俞不瀉二十日死其八日可刺也發

而赤其上肉如椒子者死不可理人年十九
二十五三十三四十九五十七六十七十三
八十壹九十七神皆在背不可見血見血者
死
蜂疽發背起心俞若膊臑二十日不瀉卽死
其八日可刺也其色赤黑膿見青者死不治
人年六歲十八二十四四十五十六六十七
六十二九十八神皆在膊不可見血見血者
死

疽發背潰後候

此由寒氣客於經絡折於氣血而澁不通乃
 結成疽發癰疽膿出之後眼白睛青黑而眼
 小一逆也內藥而嘔二逆也傷痛渴甚三逆
 也髀項中不使四逆也音嘶色脫五逆也皆
 不可治自餘或熱渴或刺嘔非倉卒之急也
 可得漸治凡發背則熱氣流入臟腑膿潰之
 後血氣則虛腑臟積熱渴而引飲飲冷入於
 腸胃則變下利胃虛氣逆則變嘔也嘔逆若

遇冷折之氣不通即噤也其瘡若膿汁不盡
 而瘡口早合雖瘻更發惡汁連滯則變成癩
 也

疽發背熱渴候
 此由寒氣客於經絡折於氣血氣血澁不通
 乃結成疽疽發背則腑臟皆熱熱則臟燥故
 渴也而冷飲入腸胃則變利也

內癰者由飲食不節冷熱不調寒氣客於內

或有胃脘或在腸胃寒折於血血氣留止與
寒相搏壅結不散熱氣乘之則化爲膿故曰
內癰也胃內痛少氣而發熱以手按左眼
□右眼見光者胃內結癰也若不見光燦疽
內若吐膿血者不可治也急以灰掩其膿血
不爾者著人腸內有結痛或在脅下或在臍
左近結成塊而壯熱必作癰膿診其脉數而
身無熱者內有癰

癰病候

癰病者由勞役肢體熱盛自取風冷而爲涼
濕所折入於肌肉筋脉結聚所成也其狀赤
脉起如編繩急痛壯熱其發於脚者患從鼠
臆起至踝赤如編繩故謂癰病也發於臂者
喜掖下起至手也可卽治取消其潰洗勝則
筋攣也其著脚若置不治不消復不潰其熱
歇氣不散變作癰腫緩瀆相搏腫膿已成膿
也

千金方

肺癰

病欬唾膿血其脉數實者屬肺癰虛者屬肺痿欬而口中自有津液舌上胎滑此爲浮寒非肺痿若口中辟辟燥欬卽胃中隱隱痛脉反滑數此爲肺癰也問曰病者欬逆師脉之何以知爲肺癰常有膿血吐之則死後竟吐膿死其脉何類何以別之師曰寸口脉微而數微則爲風數則爲熱微則汗出數則惡寒風中於衛呼氣不入熱過於榮吸而不出風

傷皮毛熱傷血脉風舍於肺其人則欬口乾喘滿咽燥不渴多唾濁沫時時振寒熱之所過血爲凝滯蓄結癰膿吐如米粥始萌可救膿已成則難治寸口脉數跌陽脉緊寒熱相搏故振寒而欬跌陽脉浮緩胃氣如經此爲肺癰師曰振寒發熱寸口脉滑而數其人飲食起居如故此爲癰腫病醫反不知而以傷寒治之不應愈也何以知有膿膿之所在何以別知其處師曰假令膿在胃中者爲肺癰

其脉數欬唾有膿血設膿未成其脉自緊數緊去但數膿為已成也

癰疽

脉數身無熱即內有癰

諸浮數脉當發熱而反洗洗惡寒若有痛處當結為癰

脉微而遲必發熱脉弱而數此為振寒當發癰腫

脉浮而數身體無熱其形默默胃中微燥不

知痛處其人當發癰腫

脉滑而數滑則為實數則為熱滑即為榮數即為衛榮衛相逢即結為癰熱之所過即為癰膿身體有痛處時時苦有瘡

問曰寸口脉微而澀法當亡血若汗出設不汗者當云何答曰若身有瘡被刀器所傷亡血故也

跌陽脉滑而數法當下重少陰脉滑而數婦人陰中生瘡

夫癰疽初發至微人皆不以爲急此實奇患
惟宜速治稍遲緩乃卽病成以此致禍者不
一但發背外皮薄爲癰外皮厚爲疽宜急治
之凡癰疽始發或似小癰或復人痛或復小
痛或發如米粒大白膿子此皆微候宜善察
之見有小異卽須大驚忙急須攻治及斷口
味速服諸湯下去熱毒若無醫藥處卽灸當
頭百壯其大重者灸四面及中央二三百壯
數灸不必多也復薄以冷藥種種救療必速

差也

凡用藥貼法皆當瘡頭處其藥開孔令洩熱
氣亦當頭以火針針入四分卽瘥

凡癰疽瘤石癰結筋癩瘰皆不可就針角針
角者少有不及禍也

凡癰無問大小已覺卽取膠如手掌大暖水
浸令軟納納然稱大小當頭上開一孔如錢
孔大帖腫上令相當須臾乾急若未有膿者
卽定不長已作膿者當自出若以鋒針當孔

上刺至膿大好至瘡乃洗去膠

疔腫根廣壹寸已下名癰壹寸已上名小癰如豆粒大者名炮子皆始作急服五香連翹湯下之數劑取瘡乃止

凡癰高而光大者不大熱其肉正平無尖而紫者不須攻之但以竹葉黃耆湯申其氣耳肉正平爲無膿也癰卒痛以八味黃耆散傅之大癰七日小癰五日其自有堅彊者寧生波發乳若熱手不可得近者先內服王不留

行散外摩發背膏若背生破無苦在乳宜令極熟候手按之隨手卽起者瘡熟也須針之針法要得著膿以意消息背不過壹寸斟量不得膿卽與食肉膏散著兌頭內癰口中如體氣熱歇卽服木占斯散五日後癰欲著痂者卽服排膿內塞散
凡癰破之後便懸憊欲死內寒外熱文腫白有似癰而非者當以手按腫上無所連乃是風毒耳勿針之宜服升麻湯外摩膏破癰口

當令上留三分近下壹分針之務令極熱熱
使不痛破後敗壞不差者作猪蹄湯洗之日
二度夏用二日冬用六七日用湯半劑亦可
夫癰壞後有惡肉者宜猪蹄湯洗去穢次傅
食肉膏散惡肉盡後傅生肉膏散及摩四邊
令好肉速生當斷絕房室忌風冷勿自勞煩
待筋脉平復乃可任意耳緣新肉易傷傷則
裏潰潰則重發發即難救慎之慎之白痴最
忌

凡諸暴腫一一不同無問近遠皆服五香連
翹湯刺去血小豆末傅之其間數數以針刺
去血若失療已潰爛者猶服五香湯及漏蘆
湯下之隨熱多少依方用之外以升麻湯楊
洗熨之力見丹毒門摩升麻膏方見丹毒門若牛息肉
者以白蘭茹散傅之青黑肉去盡即停止好
肉生傅升麻膏如肌不生傅壹物黃耆散若
傅白蘭茹青黑惡肉不盡者可以榛頭蘭茹
散半錢和白蘭茹散三錢稍稍傅之其散各

取當色單擣下篩直爾成散用之此散法集

疔疔

或身中忽有痛處如遭打撲之狀名曰氣痛
痛不可忍遊走不任發作有時痛則小熱痛
定則寒此皆由冬時受溫氣至春暴寒風來
打之不成溫病乃作氣痛宜先服五香連翹
湯摩丹參膏又以白酒煎楊柳皮及暖熨之
有赤氣點點者卽刺出血也其五香連翹湯
及小竹瀝湯可服數劑勿以壹劑末瘥便住

藥以謂無效卽禍至矣中間將白薇散佳又
有氣腫痛其狀如癰腫無頭虛腫色不變但
皮急痛不得手近亦須服此五香湯次白針
寫之次與蒺藜散傳之
胷中痛短氣者當入闔室中以手中指捺左
眼視若見光者胷中有結癰若不見光者是
癰疽內發出也
經云氣宿於經絡中血氣俱澁不行擁結爲
癰疽也不言熱之所作其後成癰又陽氣湊

集寒化爲熱熱盛則肉腐爲膿也由人體有
熱被寒冷搏之而脉凝結不行熱氣擁結成
癰疽方有灸法亦有溫治法以其中冷未成
熱之時其用冷藥帖薄之治熱已成以消熱
令不成膿也赤色腫有尖頭者藜蘆膏傅之
膏云醋和蚌蛤灰塗乾則易之

余平生數病癰疽得效者皆卽記之考其病
源多是藥氣所作或有上世服石遂令子孫
多有此疾食中尤不宜食麵及酒蒜及愼溫

牀厚被能慎之者可得終身無他此皆躬自
驗之故特論之也

發背

凡發背皆因服食五石寒食更生散所致亦
有單服鍾乳而發者又有生平不服而自發
者此是上代有服之者其候率多於背兩胛
間起初如粟米大或痛或癢仍作赤色人皆
初不以爲事日漸長大不過十日遂至於死
其臨困之時已闊三寸高壹寸瘡有數十孔

以手按之諸孔中皆膿出尋時失音所以養生者小覺背上癢痛有異卽火急取淨土水和爲泥捻作餅子厚二分闊壹寸半以粗艾大作炷灸泥餅上帖著瘡上灸之壹炷一易餅子若粟米大時可灸七餅子卽差如榆莢大灸七七餅炷卽差如錢大可日夜灸之不限炷數仍服五香連翹湯及鐵漿諸藥攻之乃愈又法諸發背未作大膿可以冷水射之浸石令冷熨之日夜莫住差乃止此病忌麪

酒五辛等亦有當兩肩上發者凡服石人皆須勞役四體無令自安如其不爾者多有發動亦不得遂使恣意取暖稱已適情必須遺欲以取寒凍雖當時小寧於後在身多有所益終無發動之慮耳

癰疽者因中忽生點疔如豆粒小者如黍粟極者如梅李或赤或黑或青或白其狀不定有根不浮腫痛傷之應心根深至肌經久便

四面悉腫炮黧熟紫黑色能爛壞筋骨若毒
散逐脉入臟殺人南人名爲楊著毒厚肉處
卽割去之亦燒鐵烙之令焦如炭或灸百壯
或飲葵根汁或飲藍青汁若犀角汁及升麻
汁竹瀝黃龜湯等諸單方治專去其熱以瘥
其病喜著十指故與代指相似人不識之呼
作代指不急治之亦逐脉入臟殺人南方
人得之皆斬去其指初指頭先作黯疱後始
腫赤黑黯瘡痛入心是也

代指者先腫痲熱痛色不黯緣爪甲邊結膿
劇者爪皆脫落此謂之代指病也但得壹物
冷藥汁搗潰之佳若熱盛服漏蘆湯及搗清
之傅升麻膏亦可針去血不妨洗漬塗膏也
復有惡肉病者身上忽有肉如赤豆粒突出
便長推出如牛馬乳上如雞冠狀不治自長
出不止亦不痛癢此由春冬時受惡風入肌
脉中變成此疾治之宜服漏蘆湯外燒鐵烙
之日日爲之令焦盡卽以升麻膏傅上積日

乃瘥

又有赤脉病者身上忽有赤脉絡起隴聳如死蚯蚓之狀視之如有水在脉中長短皆逐脉所處此由春冬受惡風入絡脉中其血肉瘀所作也宜五香連翹湯及竹瀝等治之刺去其血仍傅丹參膏亦用白雞屎塗之良凡痛病喜發四肢其狀赤脉起如編繩急痛壯熱其發於脚喜從臑起至踝亦如編繩故云痛病也發於腎喜著腋之下皆由久勞熱

氣盛爲濕涼所折氣結筋中成此病也若不卽治其久潰膿亦令人筋攣縮也若不消潰其熱氣不散多作躄病漏蘆湯主之瀉後鋒針數針去惡血氣針瀉其根核上傅小豆末取消爲度又用治丹法治之亦用治癰三味甘草散傅之若潰傅膏散如癰法惡核癰病癰疽等多起嶺表中土尠有南方人所食雜類繁多感病亦復不一仕人往彼深須預防之無法必遭其毒惟須五香湯

小豆散吳茱萸皆其要藥外臺凡附骨疽者以其無破作故附骨成膿故名附骨疽喜著大節解中丈夫產婦喜著胫中小兒亦著脊背大人急著者先覺痛不得動搖按之應骨痛經日便覺皮肉漸急洪腫如肥狀是也小兒纔手近便六腑呼卽是肢節有痛候也大人緩著者先覺肌烘烘然經日便覺痛疽不隨小兒四肢不能動搖亦如不隨狀看肢節解中苦有崩烘烘處不知是

骨宜令徧身成腫不至潰體皆有青黯大人亦有不別呼爲賊風風腫不知是疽也凡人身體患熱當風取涼風入骨解中風熱相搏便成附骨疽其候嗜眠沉重忽忽耳鳴又秋夏露降爲冷所折風熱伏結而作此疾急者熱多風少緩者風多熱少小兒未短取風冷何故而有此疾由其血盛肌嫩爲風折之卽使凝結故也凡初得附骨疽卽急須服漏蘆湯下之傅小豆散得消可服五香連翹湯方見

凡賊風其人體卒無熱中暴風冷即骨解深痛不癢轉動按之應骨痛久即結膿或結瘰癧其附骨疔久即腫而結膿以此為異宜若治附骨作賊風則增益病深膿多若治賊風作附骨即加風冷遂成癭癧偏枯攣曲之疾也療之之效皆在善始耳此非天下至精其孰能與於此若候附骨與賊風為異者附骨之始未腫但痛而已其賊風但痛不熱附骨

則其上壯熱四體乍寒乍熱小便赤大便澀而無汗若得下却熱并開發腠理便得消也縱不消盡亦得浮淺近外凡賊風但夜痛骨不可按抑不得回轉痛處不壯熱亦不乍寒乍熱多覺身體索索然冷欲得熱熨痛處即小寬時復有汗出此為賊風證也宜針灸熨燂諸服治風藥即愈

方諸風門

又有風熱毒相搏為腫其狀先腫上生瘰癧如火灼處名曰風熱毒治之一如丹法

有久癰餘瘡敗爲深疽者在臑脛間喜生瘡
中水惡露寒凍不瘥經年成骨疽亦名疔瘡
深爛青黑四邊堅彊中央膿血汁出百藥不
瘥汁潰好肉處皆虛腫亦有碎骨出者可溫
赤龍皮湯漬方見婦人夏月日日洗冬月四
日壹洗青肉多可傅白蘭茹散食去惡肉可
三日傅之止後長傅家猪屎散得瘥止取猪
屎燒灰作末如粉致瘡中令滿白汁出吮去
隨更傅之瘥止若更青肉復著白蘭茹散如

前法家猪屎散取平復凡骨疽百療不瘥者
可瘡上以次灸之三日三夜便瘥如瘡不瘥
瘥而復發骨從孔中出者名爲骨疽取先死
烏雌雞壹隻去肉取骨熬焦如炭取三家牛
楛木刮取屑三家甌節各壹兩皆燒成炭合
導瘡中碎骨當出數片瘥

腸癰

卒得腸癰而不曉其病候愚醫治之錯則殺
人腸癰之爲病小腹重而強抑之則痛小便

數似淋時時汗出復惡寒其身皮皆甲錯腹
 皮急如腫狀其脉數者小有膿也巢源云洪數者已有膿也
 其脉遲緊者未有膿也甚者腹脹大轉側
 聞水聲或遶臍生瘡或膿從臍中出或大便
 出膿血問曰官羽林婦病醫脉之何以知婦
 人腸中有膿為下之即愈師曰寸口脉滑而
 數滑則為實數則為熱滑則為榮數則為衛
 衛數十降榮滑上升榮衛相干血為濁敗小
 腹痞堅小便或澀或復汗出或復惡寒膿為

已成設脉遲緊即為瘀血血下則愈
 聖惠方

癰疽論

經云黃帝問於歧伯曰夫癰疽何以別之歧
 伯荅曰榮衛稽留於經脉之中則血澁不行
 血澁不行則衛氣壅遏而不通故生大熱熱
 盛則肉腐為膿然不能陷肌膚於骨髓骨髓
 不為焦枯五藏不為傷損故命曰癰黃帝曰
 何謂疽歧伯荅曰熱毒熾盛下陷肌膚骨髓

皆焦枯內連五藏血氣涸竭當其病下筋骨
良肉無餘故命曰疽疽者其上皮已夭堅如
牛領癰者其上皮薄以澤此其候也黃帝曰
善然五藏不調則致癰久患瘡渴之流亦多
發癰疽之疾歧伯曰喜怒不測飲食不節陰
氣不足陽氣有餘榮衛不行氣血不通而熱
相搏乃發爲癰疽凡服乳石之人常須小勞
怡悅神思夫乳石之氣隨開而行遇閉而止
止則血脈凝澁瘡疣生焉或不遂志欲加之

以怫鬱憂憤稽結貪恣驕俱飢飽勞逸負恃
之變遂致血氣天結固而爲其病焉論云夫
陰陽蘊結腑臟爲之積聚氣血凝澁榮衛爲
之壅滯陽滯於陰則生癰陰滯於陽則生疽
癰疽之生有內有外內則生胷腹臟藏之中
外則生膚肉筋骨之表凡此二毒發無定處
而有常名夫壅滯之本者始於血老不作汗
肉陳不脫垢蒸氣不能外達留積遂成內熱
所爲也夫癰疽生膿水之成非天降非地出

蓋積微之所成也夫保命全生者謁醫於無
傷防萌於未形理之於未成是謂朝覺而夕
理使身被癰疽之疾致令膿血之聚者亦亦
去道遠乎膿水已成則死者十有八九矣豈
不愴歟然而發有多端感動不一爲瘡爲癰
爲癰爲疽初覺小異須懷大怖時人輕之誤
死者衆歧伯曰夫癰疽初生其狀至微人多
不以爲急此實奇患唯宜速療不速療之病
成難救以此致禍者不壹凡療此疾如救火

拯溺追奔逐賊之不若也猶懼不及况視如
常疾若素無方論而望其愈者難矣此疾絕
險之甚與夫溺水飲鳩身被極刑頸懸虎口
同也或遇斯疾唯在速療若不速醫必爲大
禍劉涓子云凡人年若干歲人神在某處不
可針刺見血者死竊以愚見亦恐此埋未精
夫身者神之室也有病且須及時針烙救療
不得推筭年命避忌人神况人神與神同體
體既有苦神何以安凡癰疽癰腫纔萌之時

並須以湯水注射之欲治此疾先須辯識定其淺深究其根源療之必愈熱發於皮膚之間是以浮腫根小至大過二三寸者爲癰也六腑積熱騰出於外肉之間其發暴盛腫皮光軟侵展廣大爲癰也五藏風毒積熱攻熾於肌骨風毒猛暴初出一頭如痞癰形白焦枯觸之應心者疽也癰起於六腑浮達易理若燎原之火外潰膚肉疽生於五藏沉滯難療若陶室之燧內消骨髓癰則易療

氣深沉其源也
灸則須方能有也
由內熱所致當要服藥以
以求差服藥所以助療法也夫療
以湯液疏其內針蝕疏其外然則癰疽有虛
有實虛則補之實則瀉之有實熱者易療虛

寒邪熱多者難愈腫起堅硬膿稠者爲實腫
下軟慢膿稀者爲虛蓋病者多爲方法而無
次敘臨時蒼黃何能辯於此疾淺深是以斃
也療癰疽者同夫暴蹙之疾有足傷心爲患
則然而發有緩急發於喉舌頭面腦項間肩
背上脅腹裏四肢大節女子妬乳此發爲險
餘發爲緩若生險處朝覺而夕理或可獲痊
忽不遇良醫自復不明比喻縱使常醫療之
得痊者幸矣然癰疽所發有三等腫高而軟

者發於血脉腫下而堅者發於筋骨肉皮色
不變者發於骨髓淺瘡者欲在厚處深瘡者
欲在薄處癰疽腫大按乃痛者膿深小按便
痛者膿淺所按之處不復者無膿必是水也
按之卽復者有膿也發腫都軟者血瘤也非
癰也發腫日漸增長而不大熱時時牽痛者
氣痛也謂氣結爲腫久久而不消後亦成癰
此是寒氣所爲也留積經久極陰生陽寒化
爲熱所以潰也此潰必多成癩宜早服內塞

散以排之諸癰瘰癧贅等至年衰皆自內潰
 為癰理之宜及年盛可無後憂也凡癰疽
 已決洩出去其膿而煩疼尚未全退者診其
 脉洪滑麤散者難療微澁遲緩者易痊諸緊
 數之脉應當發熱而反惡寒者癰疽也論曰
 簪貴發腫危困者多布俗有之所殆者少何
 則人受氣同稟陰陽共食酸醎病有殊異答
 曰夫勲赫英傑嗜慾非常冬不履於凍寒夏
 不傷於炎暑擊鍾鼎石兼餌乳石之流積關文

陽脉

凝之弊鬱氣傷於血

俗則不然

矣何者蔬食不給於口寒暑屢中於形營衛
 縱有沉痾力役毒隨汗洩寢御理異病故殊
 途將逸性類於勞生豈可同日而語哉是以
 晉尚書褚澄療寡婦尼僧異於妻妾謂寡婦
 尼僧雖無房室之勞而有憂思之苦此乃深

達其性者也審其沉浮施之針艾若灸烙合
度實不足憂或任庸愚危斃立致遇良醫者
必保十全或因循侮慢或詢於凡流或自以
委命或祈以自差或犯以諸類蓋疑謀之喪
生也古人患癰已成大膿者十不存一二有
疽生於指上療者於後節截去之傳曰盧淳
有截指之效靜而思之非良法也何者夫療
癰疽未精辯識壹槩施之以針艾用之鉞割
爲毒則劇保効誠難劉涓盧扁之流雖擅名

於前審詳理趣亦未得全通也是以古人見
癰有大膿而棄之有疽在指斷之而不疑棄
膿則捨重而非工截手則傷本而爲拙未盡
於妙良可惜哉今之所療則不然矣何者謂
藏腑致其踈通和榮衛使無壅滯審癰疽淺
深之本辯氣血聚散之源內則補虛而瀉實
調浮而和沉外則以湯水淋注以消毒傅貼
藥以燻腫深者使筋骨保全淺者令膚肉不
壞至於將攝條例並有銓次然而病有變證

疾有盛衰明之於心非愚能盡醫者意也隨時之義略陳梗槩以定大綱云爾

辨癰疽證候好惡法

夫癰疽外發理體已備於前至於內癰內疽其疾隱而不見目既不接所謂至難然五藏六腑有俞募雖結固於中而自形於外外察其部則內審其源定藥投方若拔芒刺然則癰疽之發有五善七惡之證不可不察也煩躁時嗽腹痛渴甚或泄瀉無度或小便如淋

壹惡也膿血大洩腫焮尤盛膿色敗鼻痛不可近二惡也喘麓短氣恍惚嗜睡三惡也目視不正黑睛緊小白睛青赤瞳子上看者四惡也肩項不便四肢沉重五惡也不能下食服藥而嘔食不知味六惡也聲嘶色脫唇鼻青赤面目四肢浮腫七惡也動息自寧食飲知味壹善也便利調勻一善也膿潰腫消色鮮不臭三善也神彩精明語聲清朗四善也體氣和平五善也若五善見三則差七惡見

四必危然則病有源同七惡皮急緊而如善病有源同五善皮緩虛而如惡夫如是者豈凡醫之所知哉若五善併至則善無以加也若七惡併臻則惡之劇矣今載證候并諸俞募以伸明之

凡五臟六腑募中府隱隱而痛者肺疽也上

肉微起者肺癰也

中府在雲門下壹寸六分乳肋間動脈應手陷中是

巨闕隱隱而痛者心疽心上肉微起者心癰

也巨闕壹穴在鳩尾下壹寸是期門隱隱而痛者肝疽也

上肉微起者汗癰也

期門壹穴在第二助章傍壹寸半直上兩乳

門隱隱而痛者脾疽也上肉微起者脾癰也

章門二穴在季助端一名長平一名脅屏

京門隱隱而痛者腎疽

也上肉微起者腎癰也

京門二穴在期中管門下五分是

隱隱而痛者胃疽也上肉微起者胃癰也

中管

二穴壹名太倉在上管下壹寸

天樞隱隱而痛者大腸疽也

上肉微起者大腸癰也

天樞二穴在臍兩旁各二寸陷中是

田隱隱而痛者三焦疽也上肉微起者三焦

癰也

丹田一名石門壹名精室壹名命門壹穴在臍下二寸

關元隱隱

而痛者小腸疽也上肉微起者小腸癰也

元關

豈名液門在臍下三寸右驗其所募依據此候審定

癰疽淺深病從何藏腑發先會食何乳石又

驗其氣虛實參詳而療之

癰疽敘療諸法

凡癰疽癰初生皆只如粟黍粒許大微似有痛痒或觸破之即炊展初覺有之即須速服犀角丸湯及諸冷藥等取通利踈暢腑藏兼以湯水淋射之滌其壅滯瘡頭塗石藥四畔

貼熿藥折其毒勢如此將理覺不退是熱毒枝堅即停用陽水淋射精意辯之定是癰癰便當上灸之若是疽則審按候其淺深燒針烙之於維上塗止痛引膿膏維之兼以膏塗帛貼之常令開潤勿令燥也四畔貼熿藥失血脈喜溫而惡寒若著冷氣過理迫之即血滯難差若已成大膿者兼瘡中有惡肉即須用猪蹄湯洗之傅藺茹散等蝕其惡肉候爛肉欲盡即貼生肌膏藥及飲食慎忌寢御居

處觸事抑情充意將理若用心有誤猶草從風既辯識匪差如湯沃雪也
辨癰疽宜針烙不宜針烙法
夫癰疽者頭少腫處多出膿不快者宜針烙膿未盛已前不可不以諸藥貼熨救療以安病者之心膿成即當棄藥從針烙也既至膿成即當決生死際不可疑懼痛頃刻之間以至內潰古今同弊斯疾十有八九矣通賢明識固常不擾於死生之源即斷其去就焉夫

患癰疽已成結腫須有出處療之無不針針無不差未有不針不利而差者未有針利及時而不差者嗚呼痛之極也衆熱聚攻蝕其膏膜爲之腐爛肌肉爲之敗潰內通貫藏腑若不針烙決潰熱毒無從而解膿瘀無從而洩或過時不針即及攻於內內既消敗欲望其生豈可得乎嗟夫此疾針烙取差實爲從容疑而受斃亦豈容易此爲必死之患或隱諱此疾或懼痛不針此神奪其識死期將至

諸可知也癰則皮薄宜針疽則皮厚宜烙古法無烙唯有針刺烙卽火也亦謂之燔針劫刺以其有劫病之功也今川烙法多差殊穩妙於鈹針法本用鈹針烙法當用火針如似火筋磨頭令尖如棗核團滑用燈焰燒須臾火作炬數搵油燒令赤皆須近下面烙之一烙不透卽再烙之令透若其攻焮稍廣卽須散烙數處並令透則氣疏達膿水易出不假按抑實者撚髮爲維虛者以紙爲維塗引膿

膏藥紙之兼以膏藥貼之常令開潤勿令急燥若其人羸瘠勿頓出膿徐徐令出若癰疽廣大膿潰肌骨者懼一時之痛不肯四畔多下針烙唯開三兩處而已欲望其早愈不亦難乎常見有開腫者不原審其淺深所針烙或當時無膿經宿方潰或下針不出別處生頭或抑捺炊動加益煩疼遂使痛中加痛真氣轉傷詳其所由是不遇良能也經云夫病淺若針深則氣血伏沉若病深針淺則毒氣

不洩反爲大癰此之謂也務求速差腫內餘
膿及膿根未盡便令瘡合後必有再發之理
孰能言之諸發腫都軟而不通者卽宜針
烙苦發於背者卽須用水角乃得痊矣

辨癰疽宜水角不宜小角法

凡療癰疽發背腫高堅硬膿稠炊盛色赤者
宜水角陷下肉色不變軟慢稀者不用水角
角法於寬靜室中不當風處平實地掘壹小
坑口稍闊於瘡腫深壹尺已下去此坑二尺

外文爲膏坑口闊三四寸傍穿兩坑令相
通灌水並令去坑面二寸於地上腰背下先
鋪油單三兩重辟地氣卽以席薦東西鋪坑
口兩畔令患者以瘡合坑上無令偏側腰間
布氈褥務令安穩則得久角角口兩畔以繒
帛遮擁兼蓋覆水坑口勿令通熱被水引下
滲地中卧壹炊久爲度瘀滯膿血並洩角中
熱盛者日夜三四徧腫氣不侵每日或兩度
亦得候其毒解熱退水角方止中間以藥燻

之熱毒及癰託命在醫豈宜庸流乖於理療
在意忖惻心機百變如護己身始同濟人大
危續人性命凡看疾之人尤須惠智或有言
中旁觸遂使患者驚疑至於庸醫昧於深理
就施針艾尤不能精用水角則太早以火攻
則稍遲何者疽之萌生而用水角則內熱毒
畏冷逼之却入腠理皮肉堅厚毒氣內堅肉
變為膿以致內潰深可哀也疽之已盛而乃
火攻則火毒相擊令人煩悶加其虛憊不可

慎乎或富貴之人遭遇此疾多貯水銀以爲
水角尤妙用水銀角法

右揀穩實地穿壹坑口稍闊於瘡腫處深
可四五寸先於坑中布紙五六重襯水銀
諸餘鋪設一依前方其水銀多至壹升已
來如無只三五合亦得

發背論

夫二儀含像三才貫形五藏以類五行六腑
法之六律人之肉也則脾主之人之皮膚則

肺所管膚肉受病皆由滋味而與厚衣衣服厚暖則表易招寒滋味過多則藏腑生熱藏腑既壅則血脉不流而毒氣凝滯湊於俞穴俞穴之所陰陽會津邪氣伏留熱搏其血血敗潰肉肉腐成膿實則爲癰浮則爲腫深則爲疽矣發背者由服五石寒食更生散所致亦有單服鍾乳而發者又有平生不服不藥而自發背者此皆是上代有服之者毒氣流傳故也其候多於背兩胛間初起如粟米大

或痛或痒四畔作赤色日漸增長若不早療經十數日遂至不救其臨困時瘡已圓闊三四寸高壹寸有十數竅以手按之諸竅之中膿皆反出也養生云若小覺背上痛痒有異卽取淨土水和捻作餅子徑壹寸半厚二分帖著瘡上以艾大作炷灸之一炷一易餅子若粟米大時可灸七餅子若如榆莢大時灸七七炷若至錢許大時日夜不住灸并服鐵漿及五香連翹散療之在速則無不差也

和劑指南

論癰疽諸證

論癰疽發背諸赤腫毒不問四肢手足頭面
 初發便可與漏蘆湯三仙散托裏散保安膏
 乳香內消膏導赤圓四順飲通氣散 癰疽
 發大便不通可與麻仁圓三黃圓 壯實者
 與神功圓須用通利三五行方得毒氣退也
 已破膿血出不快者可與三仙散漏蘆湯托
 裏散保安膏乳香內消膏貼之 瘡口久不

合者可與桃仁散麒麟散

三因方

癰疽敘論

癰疽者該三因而有之論云癰疽瘰癧
 不問虛實寒熱皆由氣鬱而成經亦云氣宿
 於經絡與而俱澁而不行壅結為癰疽不言
 孰之所作而後成癰者此乃因喜怒憂思有
 所鬱而成也又論云身有熱被風冷搏之血
 脈凝滯不行熱氣壅結而成亦有陰虛陽氣

湊襲寒化爲熱熱成則肉腐爲膿者此乃外
因寒熱風濕所傷而成也又服丹石及炙燂
酒麪溫床厚被所致又盡力房室精虛氣節
所發者此乃因不內外所傷而成也故知三
因備矣又論云癰者節也癰者壅也疽者沮
也如是但陰陽不平有所壅節皆成癰疽又
曰陰滯於陽則發癰陽滯於陰則發疽而此
二毒發無定處當以脉別之浮洪消數則爲
陽微沉緩濇則爲陰陰則熱治陽則冷治治

之之要雖有四節八事所謂初覺則宜熱拔
毒已潰則排膿止痛膿盡則消肌肉寒惡肉
盡則長肌傅痂次序固明若不別其因施治
亦昧故治法中有用遠志宜熱者得非內因
乎至於外因則用大黃不內外因則用甘草
世醫但泥方書多用五香連翹與漏蘆二湯
更不知三因所自其可守一法而普攻之旣
得其因又須觀病淺深與證候吉凶寒則溫
之熱則清之虛則補之實則瀉之導以針石

灼以艾炷破毒潰堅以平爲期各有成法近
胡丞得一方甚寶秘之持以獻洪丞相丞相
與之作序言重於世已通行矣其方乃千金
內補散添黃芪加人參減桂間有輕者肌之
稍效若真癰疽爲害反甚內補散常用在節
四節當前服內消等藥俟膿盡方得投苟專
用之亦所謂守一法也孔子不嘗未達之藥
者良有旨哉士夫當深味斯言無輕信醫方
誤天下後世謹之謹之

癰疽證治

病者脉數身無熱而反洒淅惡寒若有痛處
背發其癰腫欲知有膿無膿以手掩上熱者
爲有膿不熱爲無膿此亦大略說也自有脉
不數不熱而疼者蓋發于陰也不疼尤是惡
證不可不知凡熱盛脉數卽用漏蘆并單煮
大黃等湯不甚熱脉緩弱只投五香連翹湯
其它依四節八事次序及推三因以用藥未
有不全濟也

附骨疽證治

附骨疽與白虎飛尸歷節風皆相類歷節則走注不定白虎飛尸痛淺按之則便附骨疽痛深按之無益又一說白虎飛尸亦能作膿著骨而生及其腐潰碎骨出盡方愈如是則附骨疽與白虎飛尸是一病但深淺不同耳白虎飛尸又俗名風煞然病附骨疽少有骨出者宜拔毒熱不可一向泥玉香連翹漏蘆之屬當先溫腎如靈寶膏乃神藥唯在針烙

淺深刺拔其毒根則易愈不尔則順脉流走遍體洪腫卒致不救

腸癰證治

癰疽初無定處遙其所發即命名在外則爲發背發腦任內則爲腸癰內癰心癰腎癰肺癰臍癰等治得其法則生失法則死外證易識內證難明不可不備述也腸癰爲病身中錯腹皮急按之濡如腫狀腹無聚積身無熱脉數山爲腸內有膿久積陰冷所成也故金

實用附下溫之小腹腫密按之痛如淋小便
自調發熱身無汗復惡寒其脈遲緊者膿未
成可下之常有血洪數者膿已成不可下此
以內結熱所成也故金匱用大黃利之甚者
而脹大轉側聞水聲或遶臍生瘡或膿從臍
出或大便出膿而不治必死其如五内生瘡
亦止分陰陽利而已不比外癰須依四節八
事之次第也千金引官羽林婦病醫診之其
脈滑數滑則爲實數則爲熱滑則爲榮數則

爲衛衛數下降榮滑上升榮衛相干血爲敗
濁少腹痛堅小便或澁或復汗出或復惡寒
膿爲已成設脈遲緊卽爲瘀血血下卽愈更
內經所載有息積病比見有得之二三年遍
身微腫續乃大腸與臍連日出膿遂致不救
此亦腸癰之類也不可不審
直指方

癰疽論

癰疽五發發腦發鬢發眉發頤發背是也人

之一身血氣周流而無間稍壅有聚莫不隨所至而發見焉又豈特五者而已哉俗以癩癩附於癰疽之列以是爲五豈知癩與癰癰不過癰疽之壹物古書所載僅有所謂癩疽則癩亦同出而異名也若癰若癩前未之聞合是以爲五發其可乎癰者壅也疽者沮也血氣壅沮寒熱不散陰滯於陽則發癰陽滯於陰則發疽而所發無定處也蓋衣服厚煖則表易招寒滋味過多則裏易生熱感受

日久熱勝於寒寒化爲熱六腑蘊熱騰出於膚肉之間其發暴盛腫而先軟皮薄以澤侵展廣大者爲癰其患浮淺不傷筋骨此可治也五臟蘊熱攻熯手肌骨之內其發停蓄狀如痞癰皮厚以堅淡白焦枯者爲疽其患沉深傷筋蝕骨此不可治也凡發熱憎寒頭痛惡心筋節拘牽氣急悶悶或病渴經年是皆欲發癰疽之證發於喉舌頭面腦項肩背胃腹四肢大節女子妬乳數者爲險其他爲緩

腫高而軟者發於血脉腫下而堅者發於筋
骨肉皮色不變者發於骨髓近骨者多冷近
虛者多熱近骨久不愈則化血成虫近虛久
不愈則傳氣成漏成虫則多癢少痛或先癢
後痛成漏則多痛少癢或不痛不癢若形狀
腫大按而後痛者其膿深小按卽痛者其膿
淺按之軟而卽復者有膿按之強而不復者
無膿瘡淺者欲在厚處瘡深者欲在薄處腫
起堅硬膿稠者爲實腫下軟慢膿稀者爲虛

有實熱者易療虛寒而邪熱多者難療癰疽
已決去其膿而煩疼尙未全退其脉洪麗者
又難爲力要之癰疽脉來帶澁但得和緩爲
平若洪盛則銳毒不收鮮有濟也然則治療
之法將何如曰血得溫則流行氣得溫則和
暢服餌貼傅藥用和平初覺則散腫內消已
潰則排膿斂毒膿盡則去腐內塞惡肉盡則
生肌傅痂此定則也瘡家臟腑生熱蒸其
血而敗則腐肉肉腐則成膿當膿血斂聚之

時所賴朝夕洗瘡以外舒其毒氣纔覺有膿
卽燂醋蘸炭而破之纔見敗肉卽煮藥盪射
而使之稍或稽延不反掌而侵蝕筋骨是必
腐敗盡除庶幾真氣得復好肉得生耳而况
癰疽險惡古人以虎口鳩毒喻之壹其初萌
灸熨宜散急作主張殆有甚於極溺救焚之
不可緩也奈何人多玩忽荏苒成形潰裂四
出往往不救伊誰咎歟大抵癰疽自內發外
最不可服冷藥亦不可傅冷藥但以溫劑調

治使毒氣自內發出可也若服冷藥則必至
傷動臟腑傳傳冷藥則逼令毒氣內行內氣
有虧毒從外入衝心煩燥嘔吃嗽喘以至泄
瀉此爲內壞殺人無疑或不隨順療理妄以
急澁七劑行之斂口太速毒氣舒泄未盡必
於其傍復發大疽活血排膿斂毒去腐生新
收口人所共知也孰知諸痛癢瘡皆屬於心
心主血脉心通諸竅如伏苓伏神遠志益智
石菖蒲等輩又當佐助於其間抑使病人不

得憂驚嗔怒勞精疲神有觸於心尤關利害
五臟六腑所包者一膜耳人有患疽鑿療兩
月新肉已平夜寢中幹者攻擊疾呼驚觸人
心新肉開裂鑿者謂其肉膜已破而後肉開
神仙莫救果非心乎於此又能精加飲食使
胃氣有所充和劑救裏使內氣得所養有諸
中形諸外理勢必然切戒癰疽成形以後不
得通利大便上鑿宣毒蓋用車螯瓜蔓甘草
紫草等類以乳香沒藥佐之若大黃則不敢

經用也如其有熱卽以赤伏苓麥門冬桑白
皮燈心草利其熱於小便之中或以盃勺熬
豆入紫蘇牛薑如豆湯法亦能疏導若夫瘡
口瘞熱而焮疼却暫用升麻山豆根厚黃藥
煎湯入麝爲之熏洗或瘡口斂平尚留一竅
經時汁水不乾者其中必有活虫朽骨當以
藥消蝕而盡除之婦人患此適值月候不行
尤當急爲調而所謂大寒大熱大渴大吐大
痛狂言無事喜笑鼻青唇慘赤暈不收膿青

血黯膿血腥臭血流不止小便如淋結硬過
月方發硬如石榴不破多日不腫不疼昏睡
不知痛癢患熱恣意取涼沉重痿弱氣乏肩
頂運掉不使心病臉如脂坯點紫鮮血常流
膿如赤白下痢眼小竄視而白睛青黑膿血
大泄而炊煙且堅聲嘶色脫而肢體腫浮氣
短喘籠而恍惚嗜腫煩燥時嗽而腹痛渴甚
飲食不下而服藥卽嘔與夫吃逆嗽喘大便
泄瀉皆惡證也抑猶有內外之別焉疽初發

來膏粒如麻豆許身體卽熱患處亦熱腫大
而高多生疼痛破後肉色紅紫此爲外發縱
使極大用藥有條百無壹失自發疽以來不
問小大身體無熱但覺倦怠瘡亦不熱數日
之間漸漸開闊不腫不高不炊不痛低陷而
壞爛肉色紫黑此爲內發廬扁無如之何蓋
其未發以前臟腑已先潰爛矣此又善惡之
衡鑑云雖然癰疽治法已條列於前矣究其
病源有風有氣有食有藥毒有勞損而所受

不同焉風則多癢氣則多痛食則發寒熱藥
毒則堅硬勞損則瘦弱此外證之爲可驗也
風氣食三種易療藥毒勞損二者難醫大藥
風毒當驅風氣毒當調氣食毒當消積勞損
常補虛藥毒則黑豆汁利之甘草生薑解之
丹砂則羊血菘豆可以爲佐登山到頂酌水
問源故推明本始以爲瘍醫一髮之助水
論熱背發大瘡惟發熱則謂之背若不發熱
皆癰也其有陰證於五臟內發者却又沉晦

無熱大凡癰疽惟藉有熱則發熱則氣血行
冷則氣血滯熱則能生肌冷則瘡不合遇有
熱者切不可退熱但用溫藥以微涼少濟之
是爲和劑論癰疽發背俗以腫痕所至爲
暈非真暈也暈生於瘡口之傍如紅筋之狀
纔見暈則非美證矣一暈二暈以至三暈尙
可措手若四暈五暈是臟腑蘊受銳毒斷斷

難醫

發痛方論

癰疽諸發
此法通用

痛者上高下深岩穴之狀顛顛纍垂裂如瞽
眼其中帶青由是簇頭各露一舌毒根深藏
穿孔透裏男則多發於腹女則多發於乳或
頂或肩或臂外證令人昏迷治法急用草麻
子等藥外傳以多出其毒水如癰疽方中乳
香膏神功妙貼散是也內則於小便利之蓋
諸痛癢瘡皆屬於心心與小腸爲表裏所當
宜毒於小便但諸發蘊毒又非麥門冬燈心
草之所能宜必如是齋方中立應散以地膽

爲主以白牽牛滑石木通佐之而後可以宜
其毒矣自此又於心腎用工人之一身水不
能濟火則渴而後發瘡心腎相交水火既濟
於人何病之有心主血也清心行血固所當
然亦使腎得其養則水有所司真元凝合彼
瘡自平更服童尿又可以灌滌餘毒切戒忌
風邪入之將理一節米脯猪蹄可以益腎可
以養中常加之意

發癩方論

癩發於手足或掌心或腰腿或臀下伸縮處
長形平腫無頭無面低貼肌肉瞰裏開瘡如
瘰而大走注牽連較之諸癩煩渴爲甚其患
淺則可療其患深則害人或重毒已平數月
之後復於他處大發但作肉色微帶淡紅終
不能救治法以癰疽類例推之人要培養肉
氣以防滑泄兼用膏藥吮瘡神異膏遇仙膏
可貼可服

癩方論

癩疔之發有數種先作點而後露肉小者如
粟如豆劇者如梅如李赤黑青白色變不常
或臂或臀或口齒或肚臍發無定處大槩多
見於手指之間根深入肌走臂遊腫毒血流
注貫串筋脉爛肉見骨出血極多令人串痛
狂言痛入於心卽死突出於外腎者亦死此
瘡最慮引風治法宣毒行血尤當於心腎加
意焉蓋心爲萬病之門敗血鬱滯煩燥噉悶
皆毒氣攻心之候也心家爲毒所攻若於小

便利之又恐外腎虛怯易至傷風勢得宜毒
於大便如瓜萆酒之入沒藥五靈脂皂莢刺
帶牛灰是也是雖大便引導毒氣然清心行
血去風邪之劑如之何而廢之心清血行風
邪解散庶乎有瘳矣經云在指則截在肉則
割蓋盧毒氣隨風走肌隨脉入腹倏忽害人
至速而不可留也此疾根源初因感受惡風
入於脉理或傷寒瘴癘之後毒變所生凡癰
疽諸發開壹寸則壹寸引風非必風入於其

中蓋虛處自引風也惟風邪襲虛則肉爛透
骨惡血橫流大南星生半夏白芷梢最能
去風可以類傳其諸療理推廣癰疽法度行
之

腸癰論

癰發於外人可得見者猶爲危急之疾而况
隱伏腸間痛無定處人不可得而見者乎蓋
癰疽三發在外則爲發背發腦發眉發鬢發
頤在內則爲腸癰心癰腎癰肺癰臍癰等患

治之得法尚庶幾焉一著少差枰碁去矣何則腸癰爲病身皮甲錯腹皮緊急如腫之狀而按之濡體無悶熱腹無積聚者此積陰冷之所致也當以濕藥調之發熱無汗洒淅惡寒小腹腫強而按之痛小便澁數其候如淋者此內結熱之所致也當以涼劑利之其脉遲緊膿未成者可下其脉洪數膿已成者不可下甚者腹肚脹大轉側聞有水聲或達臍生瘡膿汁穿出或臍中常常出膿或大便屢

下膿血凡此皆爲惡證其間寒熱氣急煩渴驚悸嘔惡唾膿咳嗽痰涎自汗自利如尋常發癰之狀亦類有此婦人尤多得之但恐世俗不識其證耳抑余聞焉內經有曰息賁病有人得之二三年遍身微腫其後大腸與臍俱出膿而遂至不救此亦腸癰類也又可不可審思而明辯之乎

朱氏集驗方

脉數身無熱內有癰也腹無積聚身無熱脉數此為腸有膿也薏苡附子漿湯主之

諸浮數脉應當發熱而反洒淅惡寒若有痛

處當發癰毒或有赤腫皆此證候也又不可

脉微而遲必發熱弱而數為振寒當發癰腫

脉浮而數身體無熱其形嘿嘿胃中微躁一作

胃微躁不知痛之所在此人當發癰腫經云脉

浮而數其人發熱而惡寒或有痛處是欲為

癰癤

脉滑而數數則為熱滑則為實滑主榮數主衛相逢則結為癰熱之所過則為膿也

治癰疽方論

欵丞胡權在都下遇異人授以治癰疽內托

散方曰吾此藥能令未成者速散已成者速

潰敗膿自出無用手捺惡肉自去不假刀砭

服之之後痛苦頓減其法用人參當歸黃耆

各貳兩川芎防風厚朴桔梗白芷甘草各壹

兩皆細末引入桂末壹兩令勻每服參五錢

熱酒調服以多爲佳不能飲者煎木香湯點然不若酒爲奇

服石發疽論

齊王侍醫遂病自煉五石服之臣意往過之遂請意曰不肖有病幸診遂也臣意仰診之告曰公病中熱論曰中熱不洩者不可服五石石爲藥精悍公服之不得數洩亟勿服色將變癰遂曰扁鵲曰陰石以治陰病陽石以治陽病夫藥石者有陰陽水火之齊故中熱

卽爲陰石柔齊治之中寒卽爲陽石剛齊治之臣意曰公所論遠矣扁鵲雖言若是然必審診處度量立規矩稱權衡合色脉表裏有餘不足順逆之法參其人動靜與息相應乃可以論論曰陽疾處內陰形應外者不加悍藥及鑱石夫悍藥入中則邪氣辟矣而宛氣愈深診法曰二陰應外一陽接內者不可以剛藥剛藥入則動陽陰病益衰陽病益著邪氣流行爲重於俞始喻反忿發爲疽意告之後

百餘日果為疽發乳上入缺盆死此謂論之
大體也必有經紀拙工有不習之文理陰陽
失矣 史記

療疽毒方論

向友正元仲之子也淳熙八年為江陵文攝
公安令癰發於脅臆間極療半載弗愈嘗浴
罷痛甚委頓而卧似夢非夢見一丈夫微揖
而坐傳藥方與之曰用沒藥乳香瓜蒌三味
酒煎服之且言桃源許軫短縣亦有此方但

不用瓜蒌若用速効宜服此友正敬謝即如
所戒不終劑而愈後詣玉泉禱雨瞻壽亭關
王像蓋所感夢者因繪于家 類編

結癰說

五臟不和則九竅不通六府不和則留結為
癰

預療背疽方論

揚州名醫楊吉老其術甚著某郡一士人狀
若有疾厭厭不聊莫能名其何等病往謁之

楊曰君熱證已極氣血銷鑠且盡自此三年常以背疽死不可爲已士人不樂而退聞茅山觀中壹道士於醫術通神但不肯以拔白名未必爲人致力士人心計交切乃衣僮僕之服詣山拜之願執薪水之役於席下道士喜留賓弟子中誨以讀經晝夜祇事左右願旨如意歷兩月久覺其與常隸別呼扣所從來始再拜謝遇以實白之道士笑曰世間那有醫不得底病汝試以脉示我纔診脉又笑

曰汝便可下山吾亦無藥與汝但日買好梨喫壹顆如生梨已盡則收乾者泡湯飲之仍食其滓此疾自當愈士人歸謹如其戒經壹歲復往楊州楊醫見之驚其顏貌腴澤脉息和平謂之曰君必遇異人不然豈有痊安之理士人以告楊立具衣冠焚香望茅山設拜蓋自咎其學未至也北瑣夢言載醫者趙那云一朝士疾危只有一法請剩喫消黎不限多少如咀嚼不反捩汁而飲或希萬一

用其言遂愈此意正同類終

王仲言雲母膏愈腸癰論餘話

楊介吉老者泗洲人以術聞四方有儒生李

氏子棄業願娶其女以授其學執子婚禮甚

恭吉老盡以精微告之一日有靈壁縣富家

婦有疾遣人邀李生以往李初視云腸間有

所苦耶婦人曰腸中痛不可忍而大便從小

便中出鑿皆以無此證不可治故欲屈君子

李曰試為籌之若姑我澹寮方之藥三日當

有瘳不然非某所知也下小元子數十粒煎

黃耆服之富家依其言下膿血數升而愈富

家大喜贈錢十萬置酒而問之曰始切脉時

覺芤脉現於腸部王叔和脉訣云寸芤積血

在胷中關內逢芤腸裏癰此癰生腸內所致

然所服者乃雲母膏為元爾切脉致此可以

言之醫矣李後以醫科及第至博士李植元

秀即其從子也

發背無補法

諺云背無好瘡但生於正中者爲真發背虞
奕侍郎背又中小瘡不悞只以藥調補數日
不疼不痒又不滋蔓疑之呼外鑿灸二百壯
已無及此公平生不服藥守年來惟覺時時
手脚心熱疾作既不早治又服補服何可久
也伯宅編

外科精要方說

夫癰者節也癰者壅也疽者沮也壹寸至二
寸爲癰二寸至五寸爲癰五寸至壹尺爲疽

壹尺至二尺爲竟體疽大抵癰疽脉洪數甚
者難治脉微濇者易愈凡熱盛脉數易用漏
蘆并單煮大黃等湯不甚熱脉緩弱只投五
香連翹湯此第壹隻

一初覺背疽之疾便合服內托散後來方免
變證此藥但可服十數服而止

一卽合繼服五香連翹湯此第二隻如大便
寬快內熱既退卽合住服若一二日大便
再秘須合服取利毒氣亦看病人虛實進

藥

一又用沈麝湯此第三隻甚者神仙解毒元方見諸毒門及拔毒之藥

一疽破後多服洪氏排膿內補散若無嘔逆之證酒調有嘔吐之證木香湯下若癰疽破後當終始服餌

一癰疽初作不問大小便用艾灸痛則灸至不痛止不痛灸至痛止此十全之功也但是初發三日已前十灸十愈自然消散此

十全之効也後李氏治疽法言之詳矣

一癰疽初作之時便無著艾既灸之後便宜用麥飯石膏四圍塗傅以護其根脚不可使開中心却要留癰口如錢大使毒出如癰漸小隨其大小傅之直候疽破膿潰之後口收只有徑寸許却用神異膏貼傅却住用麥飯石膏

一癰疽纔破有口便合用猪蹄湯洗其初連日洗五日後間日洗欲安之際三日壹洗

癰疽既破膿血潰多五七日後方可用神
異膏貼傅若根脚小五日後貼如瀾大須
七日十日後方可貼
一癰口將收之際最忌用急澁斂口之藥只
宜用神異膏貼多見昧者彼此壹段不過
病者厭於將理醫者急欲獲利不思毒氣
發泄未盡其痰再來人命自此不救所要
深思熟慮以人命爲重陰切厚利壹舉兩
全豈不美哉

一疽疾將安之際宜多服加味十全湯以補
其氣血庶幾肉易生

一背疽之人多是先發渴而後背疽作或有
背疽安而後發渴疾因此不救者甚多若
有渴疾之人宜專服加減八味元氣使渴
疾安疽疾不作若驟得背疽之疾既安之
後不問有無渴證常服加減八味元氣滋益
血氣使精神強健忍冬元亦妙
一若是氣虛而嘔其證心不煩熱遇早便嘔

或聞穢氣而嘔見晨宜服嘉禾散如有寒熱宜服家傳不換金正氣散仍五更初兼服山藥元以補腎氣此藥入利元滋益一應諸癰腫欲知有膿與無膿以手掩腫上熱者為有膿不熱者為無膿此散

藥方次序

內托散五香連翹湯沉麝湯漏蘆湯已上四方首宜相間多服藥性平和可謂穩重自有宜熱拔毒之意更諸香散氣行血免生他證

次當便服已下活氣血療癰毒未成者即散已成者速潰也神仙黃礬元國老膏萬金散遠志酒忍冬酒已上五方不問是癰是疽是瘡是癩服之取效也神仙解毒萬病元秘傳連翹湯單煮大黃湯已上三方是通行宜熱拔毒之藥可斟酌虛實用之萬無失一也猪蹄湯二神硝散已上治癰疽破後煮水洗淨輒帛挹乾或用膏藥貼去敗毒生新肉或末藥摻之麥飯石膏神異膏血竭膏牡礪地黃

膏已上四方治癰未破腫痛破後塗角四畔
餘腫臨時詳酌更換用之服藥既退之後合
服驅除餘毒治氣血生肌肉既破之後合服
內補十宣散多服爲妙也家傳不換金正氣
散如減八味圓忍冬圓黃芪六壹湯五味子
湯論發背有熱未有不因風而得之疽疾將
安當補氣血加味十全湯神效瓜蒌散立效
散寒惠散獨聖散生肌散綠雲散宣毒散等
輩主之

灸癰疽法

李氏云治疽之疾灼艾之功勝於用藥初發
一日之內尖頭如麻豆大時便好措手其法
用大獨頭蒜薄切如小錢大亦如錢厚以蒜
錢則於疽頂尖上以熟艾炷安於蒜錢上灸
之三壯一易蒜錢若灸時疼痛要灸至不痛
初灸時不痛然後止以百壯爲準用大蒜取
其毒有力多用艾炷取其火力通透如法灸
之瘡壹發膿潰繼以神異膏貼之卽日而安

壹能使瘡不開大二內肉不壞三瘡口易合壹舉而三得之然人未知之而多遲疑不決至二日之後疽大如指毒氣開散病者不能堪火不可灼艾矣可不預知之乎但頭上見疽或項以上見疽則不可用此法灸反增其疾其餘皆可艾灸爲上也

嚴氏濟生方

癰疽論治

夫發背癰疽者諸方載之備矣夫癰疽本平

壹證然受病之所與外證頗有異焉蓋癰者六腑不和之所生疽者五臟不調之所致六腑主表其氣淺故癰皮薄而腫高五臟主裏其氣深故疽皮厚而腫堅多由喜怒憂思飢飽勞逸或服丹石或餐炙煇酒麪溫床厚被盡力房室或外因風熱風濕所傷遂使陰陽蘊結榮衛爲之壅滯陽滯於陰則生癰陰滯於陽則生疽凡此二毒發無定處當以脉別之諸浮數之脉應當發熱而反洒淅惡寒若

有痛處乃發癰也脉數發熱而疼者發於陽也脉不數不發熱而疼者發於陰也不疼尤是惡證且癰疽初生如黍粟粒許人或痒或痛其狀至微此實奇患惟宜速療速療之法初覺之時並宜灼艾痛則灸至痒痒則灸至痛自然毒氣隨火而散也若不早治舉痛滋蔓結成癰疽却當詳其虛實分其冷熱寒則溫之熱則清之虛則補之實則瀉之導以針石灼以艾炷治法合宜未有不全濟者也然

癰疽證有安危此又不可不別古人所謂五善七惡是也煩躁時嗽腹痛渴甚或泄痢無度或小便如淋壹惡也膿血大泄腫痛尤甚膿色敗臭痛不可近二惡也喘麓氣短恍惚嗜卧三惡也目視不正黑睛緊小白睛青瞳子上青者四惡也肩項不便四肢沉重五惡也不能下食服藥則嘔食不知味六惡也聲嘶色脫唇鼻青赤面目四肢浮腫七惡也動息自寧食飲知味壹善也便利調勻二善也

膿潰痛消色鮮不臭三善也神彩精明語聲
清朗四善也體氣和平五善也若五善見三
則差七惡見四則必危五善併至則善無以
加也七惡併臻則惡之劇矣診其脈弦洪粗
搏外急內熱欲發癰疽脈來細沉時直者身
有癰腫肺肝俱數卽發癰疽四肢沉重肺脈
大卽死凡癰疽脈洪大者難治脈微澁者易
愈近醫大夫乃北人有藥方一宗其寶秘之
持以獻趙帝學繼而用和得之屢試屢效謾

載于後以爲治備之要

醫論治法

醫云金人大定間有遇異人傳狗寶圓得之
者以獻之僞主其後醫乃事僞朝以外科奉
御療將士金瘡有功金主以其本賜焉醫治
瘡凡癰疽下漏惡瘡皆先以狗寶圓爲第一
義先投狗寶圓半時次投熱葱粥以助之厚
被蓋覆病者使汗出周浹則毒勢隨汗而解
若汗不出則不可療矣汗罷則瘡之陷者必

起散者必聚次以烏龍膏傳其腫若腫之外有赤暈者則以解毒散傳之凡傳藥必先自外向裏塗之看正瘡大小凡正瘡之上並不許加分毫藥每日隨證服五香連翹湯十奇散菘豆粉等藥大率以狗寶圓爲先以烏龍膏解毒散次之而服餌之藥則隨脈氣陰陽虛實而用之空心必服如減八味圓以助元氣俟瘡潰以針決去敗膿訖然後以乳香膏傳正瘡之上若尚有未盡膿則於膚藥當中

直剪一路以通膿水膿欲盡以生肌散敷瘡口仍以乳香膏覆之更不須剪破膏藥乳香膏一日一換俟瘡口欲合即更不換膏藥矣烏龍膏之功在於消腫解毒散之功在於收斂收斂不須用解毒散而烏龍膏直俟瘡潰敗膿出盡然後已此其大略也

醫云疽之證甚惡多有陷下透骨者服狗寶圓瘡四邊必起依前法用烏龍膏解毒散訖須用針刀開瘡孔其內已潰爛不復知痛乃

納追毒丹於孔中以速其潰既潰後割去死肌洗以猪蹄湯敷以生肌散覆以乳香膏若證之善者自然腫起紅活乃卽如前法
稽云癰之根脚淺而闊儻治之遲則有潰爛肌肉之患若久而不合則多爲漏瘡治癰已具于前

稽云漏瘡當探其淺深渠在北地時有一人害漏瘡於脇間稽以榆皮細枝刮去皮取線以絲裹其尖以絲牢繫之以榆皮探瘡中瘡

之穴乃自脇而達於腰在皮膚之間稽遂於病者腰間以針決破用追毒丹三粒納於瘡中三日卽潰而脇間之漏遂止則膿悉自腰間針孔中出膿盡生肌遂愈其服拘寶圓敷烏龍膏乳香膏牛肌散並如前法

肺癰論治

夫肺癰者由風寒之氣內舍於肺其氣結聚所成也蓋肺爲五臟之華蓋其位象天候於皮毛氣之所主將理失宜勞傷氣血風寒得

以乘之蓋寒則生熱風極亦生熱進積不散
遂成肺癰矣肺癰之狀寸口脉數而實欬而
脅內滿隱隱痛兩脚腫滿咽乾口燥煩悶多
渴時出濁唾腥臭久久吐膿狀如粳米粥者
難治有膿而嘔者不可治嘔膿而止者自愈
凡病肺癰脉來短濇者順浮大者死其色當
白而多赤者亦死

醫方類聚卷之一百七